

元和郡縣圖志卷第三十七

唐 李吉甫 撰

嶺南道四

桂管經略使

桂州始安

中都督府

開元戶三萬六千二百六十五  
元和戶八千六百五十

鄉七十二  
鄉三十五

今為桂管經略使理所

管州十二 桂州 梧州 賀州 昭州 象州 柳州

嚴州 融州 龔州 富州 蒙州 思唐州

縣四十七

禹貢荊州之域漢元鼎六年置零陵郡今州即零陵郡之始安縣也吳歸命侯甘露元年於此置始安郡屬荊州晉屬廣州梁天監六年立桂州於蒼梧鬱林之境因桂江以為名大同六年

元和郡縣圖志卷三十七

嶺南道四

一

移於今理隋開皇十年置總管府大業三年罷州為始安郡武德四年復為桂州總管府七年改為都督府天寶元年改為始安郡至德元年改為建陵郡

州境 東西三百八十一里 南北一百二十八里

八到 北至上都三千七百五里 北至東都三千四百五十五里 東南至昭州五百三十五里 東南至象州五百二十里 西南至道州四百八十里 東北至柳州五百四十里 西至蒙州二百五十里 南至融州四百九十里 西北至梧州六百三十里

貢賦 開元貢 銅鏡四十四面 元和貢 銀一百兩

管縣十 臨桂 全義 靈川 陽朔 永福 建陵

理定 慕化 永豐 荔浦

臨桂縣

上郭下

本漢始安縣屬零陵郡至德二年改為臨桂

桂江一名灘水經縣東去縣十步楊僕平南越出零陵下灘水即謂此也

駁鹿山一名福祿山在縣東北十五里

全義縣

中下南至州一百五十里

本漢始安縣之地武德四年分置臨源

縣大曆三年改為全義縣

越城嶠在縣北三里即五嶺之最西嶺也

湘水出縣東南八十里陽朔山下經零陵郡西十里陽朔山即

零陵山也其初則觴為之舟至洞庭日月若出入其中

故越城在縣西南五十里漢高后時遺周竈擊南越趙佗踞險

為城竈不能踰嶺即此也

靈川縣

中下西南至州六十里

龍朔二年分始安縣置東臨桂江

元和郡縣志卷七

嶺南道四

二

冷山在縣西南一百里出滑石

陽朔縣

中下北至州一百四十里

本漢始安縣地隋開皇十年分置陽朔

縣取陽朔山為名也皇朝因之

灘水在縣西二十里

永福縣

中下東北至州一百里

武德四年析始安縣之永福鄉置因以為

名

白石水經縣東去縣七步

建陵縣

中下北至州三百四十里

本漢荔浦縣地吳孫氏置建陵縣梁武

帝立為郡隋開皇十年廢郡仍為建陵縣後因之

建水出縣北建山南流經縣東

駱駝水在縣西七里

理定縣

中上東北至州三百里

隋仁壽初分始安縣置興安縣至德二年

改爲理定縣

慕化縣 中下 東北至 武德四年析始安縣置

常安水東去縣七步

永豐縣 中下 北至州 吳甘露元年析漢荔浦縣之永豐鄉置

隋開皇十年省入陽朔縣武德四年復置

荔浦縣 中下 北至州 本漢舊縣因荔水爲名屬蒼梧郡縣南

有荔平關今廢吳屬始安郡隋改屬桂州武德四年於此置荔州貞觀十二年州廢縣復屬桂州

荔江水在縣南一里

梧州 蒼梧 開元戶二千二百九 鄉九

墾田

古越地也秦南取百越以爲桂林郡秦末趙佗自立爲南越王

梧州縣志卷三 嶺南道四

三

其地復屬焉漢元鼎六年平呂嘉又以其地爲蒼梧郡之廣信縣領縣十一自漢至陳爲郡不改隋開皇十年罷郡爲蒼梧縣

屬靜州大業三年罷靜州復爲蒼梧郡武德五年於郡置梧州

州境 東西一百一十里 南北三百八十里

八到 西北至上都取桂州路四千三百三十五里 西北至東都四千一百五里

東南沿流至封州五十里 西北沿流至富州三百二十里

正南微西至義州三百里 西南沿流至藤州一百里 西北至桂州六百三十里

貢賦 開元貢 白石英二十兩 元和貢 白石英二十兩

管縣三 蒼梧 戎城 孟陵

蒼梧縣 下 郭下 本漢蒼梧郡廣信縣地自漢迄陳不改隋開皇十

年罷郡於此立蒼梧縣皇朝因之

通星山在縣北六十二里漢劉曜爲太守常登此山仰觀星曆因號通星山

鬱水南去縣八里

戎城縣下東北至州二十里本漢廣信縣地梁於此置遂城縣隋開皇

十年虞慶則南征頓兵於此改爲戎城縣皇朝因之縣北臨西江

孟陵縣下南至州水路九十里本漢舊縣也屬蒼梧郡隋省武德四年重

置屬藤州貞觀八年改屬梧州

賀州臨賀開元戶二千五百三十七鄉十元

漢蒼梧郡地今州卽蒼梧郡之臨賀縣也吳黃武五年割蒼梧置臨賀郡賀水出州東北界西流又注臨水郡對臨賀二水故取名焉吳屬荊州晉屬廣州隋開皇元年以郡爲賀州大業二

元和郡縣圖志卷七

嶺南道四

四

年廢州以縣屬蒼梧郡武德五年復置賀州

州境東西三百七十里南北四百一十里

八到西北至上都三千八百五十五里西北至東都三千五百九十五里

西至昭州三百里西南至富州三百一十里

南至封州三百六十里西南至梧州四百一十里

東至連州二百七十里

貢賦開元貢蕉布 蚌蛇膽 石斛 竹布  
元和貢銀三十兩 千金藤 班弓彈弓面

管縣六 臨賀 封陽 馮乘 桂嶺 蕩山 富川

臨賀縣下本漢舊縣也自漢至陳不改隋大業二年省臨賀

縣入富川縣十二年重置屬蒼梧郡武德四年改屬賀州

縣北四十里有大山山有東遊龍中二台百姓采沙燒錫以取利焉

臨水東去縣十步又有賀水合更名臨賀水

封陽縣下北至州一百四十五里一 本漢舊縣屬蒼梧郡在封水之陽故名

吳屬臨賀郡隋屬桂州武德四年屬賀州

長林山在縣東五里

臨賀水東去縣百步

馮乘縣下東南至州一百八十里本漢舊縣屬蒼梧郡界內有馮溪因以

為名吳屬臨賀郡至隋不改大業三年改屬零陵郡武德四年屬賀州

萌渚嶠在縣北一百三十里即五嶺之第四嶺也按今縣與道州江華縣分界於此嶠之上

錫冶三

桂嶺縣下西南至州八十二里本漢臨賀縣之地吳分置建興縣屬臨賀

元和郡縣圖志卷七 嶺南道四

五

郡晉改為興安縣隋開皇十八年改為桂嶺縣屬連州因界內桂嶺為名武德四年改屬賀州

桂嶺在縣東十五里

程岡在縣東南一百二十里

朝岡在縣東北四十五里並有鐵鉞自隋至今采取

蕩山縣下東至州一百七十二里一 蕭梁於此立縣隋大業二年省武德四

年復置

蕩山在縣西七里

富川縣下東南至州一百四十五里本漢舊縣屬蒼梧郡吳屬臨賀郡隋屬

桂州武德四年改屬賀州

鍾乳穴三

靈溪水今名富水去縣西二里

昭州

平樂

開元戶七千三百一十五

鄉十二

本漢蒼梧郡之富川縣地也吳甘露元年分富川縣置平樂縣屬始安郡至隋不改武德四年於縣置樂州貞觀八年改樂州

為昭州取境內昭潭為名

州境

東西一百七十五里南北三百三十七里

八到

西北至上都三千九百三十五里西北至東都三千六百七十五里西北至桂州二百里水路三百里北過嶺至永州六百里東至賀州三百里東北過嶺至道州四百里東南水路至富州一百六十里

東南水路至富州一百六十里

貢賦

開元貢銀三十兩元和貢銀二十兩

管縣三

平樂

恭城

永平

平樂縣

郭下

本漢富川縣地吳於此置平樂縣取平樂溪為名

元和郡縣圖志卷三十七

嶺南道四

六

目巖山在縣北三十八里巖有兩孔相對如人目瞳子白黑分明因號為目巖

紫山在縣南一十里山有木客

縣東三十一里有陽里穴那溪穴新穴皆出鍾乳

平樂溪在縣南三里水之西岸有昭潭周迴一里其深不測

恭城縣

下西南至州九十里

武德四年析平樂縣置

銀殿山其下有鍾乳穴十二所在縣東二十八里

平樂水西去縣二百步

永平縣

下西南至州九十里

證聖元年割平樂縣永平鄉置因鄉為名

縣南臨永平水西流入平樂縣界

象州

象郡

開元戶三千二百九十元和戶二百三十三

漢平南越置鬱林郡今州即鬱林郡中溜潭中二縣地也隋開

皇十一年廢二縣以潭中縣為桂林縣仍以桂林置象州大業二年廢象州以桂林縣屬桂州武德四年平蕭銑析桂林立武德縣仍於縣理重置象州取界內象山為名

州境東西南北

八到北至上都四千二百二十五里東至東都三千九百六十五里

西南至嚴州二百八十里東至康州陸路一百九十里東南至潯州二百一十里西至柳州一百六十里

貢賦開元貢銀二十兩元和貢同

管縣三 陽壽 武仙 武化

陽壽縣下本漢中溜縣之地也隋開皇十一年廢中溜入桂林縣又析桂林置陽壽縣屬象州

象山在縣西北三里

陽水南去縣二十步

武仙縣下西南至州一百二十里武德四年析桂州建陵縣南置

武化縣下西南至州六十五里武德四年析桂州建陵縣之南界置屬晏州貞觀十二年廢晏州改屬象州

柳州龍城開元戶一千三百七十四鄉十四元和戶一千二百八十七鄉七

本漢鬱林郡潭中縣之地迄陳不改隋開皇十一年改潭中為桂林縣仍析桂林為馬平縣屬象州隋末陷賊武德四年平蕭銑於此置昆州又改為南昆州貞觀八年改為柳州因柳江為名

州境東西南北

八到北至上都四千二百四十五里東至東都四千一百四十里

東至桂州五百四十里東至象州一百六十里

北至融州陸路二百二十三里水路三百八十里

貢賦 開元貢 銀二十兩  
元和貢同

管縣五 馬平 龍城 洛容 洛封 象

馬平縣 下郭 隋開皇十一年析桂林縣置屬象州貞觀中屬柳

州

潭水東去縣二百步

柳江在縣南三十步

龍城縣 下州 東南至 隋開皇十一年析桂林縣置

潭水在縣西十里

龍溪水經縣南入潭水

洛容縣 下州 東南至 永徽中置屬嚴州天授二年割屬柳州

洛封縣 下州 東南至 本烏蠻所住村名乾封二年招慰蠻戶

元和縣圖志卷七

嶺南道四

八

因為縣

象縣 下州 西南至 陳於今縣南四十五里置象郡隋開皇九年

廢郡為縣龍朔三年為賊所焚乾封二年復置總章元年割屬

柳州

嚴州 循德 開元戶一千六百六十 鄉十四  
元和戶一百一十六 鄉四

本漢鬱林郡中溜縣之地乾封二年於廢昆州樂沙縣置嚴州

仍改樂沙縣為懷義縣州城南枕大江當桂州往邕州之路在

嚴岡之上因為名

州境 東西一千四百四十一里  
南北三百八十二里

八到 北至上都四千四百五十里  
東北至東都四千一百二十五里  
西南至賓州一百九十里  
南至澄州二百二十六里  
東北至柳州陸路二百里



貢賦

管縣二 循德 來賓

循德縣下郭武德四年析桂林立陽德縣其年又改名循德縣

本屬柳州永徽初割入嚴州仍為州理

古郎山在縣西四十里

都泥江南去州一里

來賓縣下東至本樂沙縣也乾封二年為懷義縣天寶二年

改曰來賓在都泥北來賓水東故以為名

融州融水開元戶一千七百七鄉七

本漢鬱林郡潭中縣地也自漢迄宋不改蕭齊於此置齊熙郡

梁大同中又於郡理置東寧州隋開皇十八年改為融州廢齊

熙郡為義熙縣大業二年州廢武德四年平蕭銑於義熙縣復

置融州因州界內融山為名

州境東西四百四十七里

八到北至上都取桂州路四千一百九十五里

貢賦開元貢黃藤防風

管縣二 融水 武陽

融水縣下郭隋開皇十八年改齊熙郡為義熙縣屬融州武德

六年改為融水

銅鼓山在縣西南二十五里

融溪水在縣北五十二里

武陽縣下東北至

元年廢入融水龍朔二年重置改為武陽

武陽溪水在縣東一十里

龔州

臨江下

開元戶二千四百二十  
元和戶二百七十六

鄉十五

古越地也漢平南越置蒼梧郡今州卽蒼梧郡猛陵縣之地晉分猛陵置永平郡又爲隋永平郡之武林縣地也貞觀三年於此置鸞州七年移鸞州於今州東六十五里於鸞州舊理置龔州都督府因龔江爲名也

州境

東西南北

八到

西北至上都取梧桂路四千五百七十五里  
北至東都四千三百一十五里

北至象州三百一十里  
南至繡州一百七十四里

東至藤州一百四十里  
西至潯州泝流一百三十里

正北微東至蒙州二百三十里

貢賦

開元貢 銀二十兩  
元和貢

元和縣圖卷七

嶺南道四

十

管縣五 平南 武林 隋建 大同 陽川

平南縣

下郭

本漢猛陵縣地貞觀七年於此置平南縣屬龔州

燕石山在縣東南一十里

龔江一名潯江亦名都泥江在縣南五十步

武林縣

下州 西北至

本漢猛陵縣地宋元嘉二年置武林縣屬

永平郡隋屬藤州貞觀七年割屬龔州

潯江東南去縣十五里

隋建縣

下州 西北至

隋開皇十九年分武林縣置屬藤州貞觀

七年割屬龔州

盧越水在縣東南一百一十步

大同縣

下州 南至

本漢鬱林郡布山縣之地也貞觀七年於

此置大同縣屬龔州

花憐水在縣東北二十步

陽川縣下東南至本漢布山縣地貞觀七年於此置西平縣

屬龔州天寶元年改為陽川

仙人山在縣東北三十里

潯江南去縣三十五里

富州開江開元戶一千三百一十一鄉四

禹貢荊州之域漢平南越置蒼梧郡今州卽漢蒼梧郡之臨賀

縣地也梁武帝分臨賀郡置南靜郡隋開皇中廢武德五年重

置靜州貞觀八年改為富州因富川水為名也

州境東西一百七十六里

八到西北至上都四千九百五里

東北至東都三千八百三十五里

東南沿流至梧州三百二十里

西北至昭州一百六十里

貢賦開元貢班布五匹銀

管縣三 龍平 開江 思勤

龍平縣下郭下本漢臨賀縣地梁於此立南靜郡隋開皇十一年

廢以龍平縣屬桂州貞觀八年改置富州縣割屬焉

灘水東去縣二十一步

富川水經縣南又東入灘水

開江縣下北至本漢猛陵縣地梁於此置開江郡隋開皇十

年罷郡為縣以屬靜州大業二年廢武德五年復置屬梧州神

龍元年割屬富州

桂江在縣西四里

思勤縣下南至州聖曆元年分龍平縣置二年於縣置武安

州開元二年廢以縣屬富州

富川水在縣東五十步南流

印岡山在縣北四十五里

蒙州

蒙山 開元戶一千六百三十七  
元和戶二百七十二

鄉鄉

本漢蒼梧郡地今州卽漢蒼梧郡之荔浦縣也隋開皇十年分

置隋化縣屬桂州武德五年於此置南恭州貞觀八年改爲蒙

州因蒙水以爲名

州境

東西  
南北

八到

西北至上都四千五十二里  
北至東都三千七百九十二里

南至龔州三百五十里

西南至象州三百五十里

東至富州九十里

北至桂州三百四十七里

西北至桂州荔浦縣八十里

貢賦

開元貢  
元和貢

麩金  
麩金十兩

管縣三

立山

正義

東區

立山縣

郭下

隋開皇十年分荔浦置隋化縣屬桂州武德五年

置立山縣屬荔州改屬蒙州

蒙水舊名涇水在縣北二里

正義縣

下 東南至  
州三百里

武德五年分荔浦縣置屬荔州改屬蒙州

蒙水在縣南四里

乳穴二

東區縣

下 西北至  
州八十里

武德五年分荔浦縣置

涇水西北去縣三十五里

葛峩鎮在縣城內

思唐州

武郎  
下

開元戶  
元和戶六十一

鄉鄉  
鄉二

永崇二年前桂州司馬夏侯處廉奏割龔蒙象三州置開元二  
十四年奏爲羈縻州建中元年昇爲正州額

州境

東西南北

八到

西北至上都四千二百一十里  
北至東都三千九百五十里

東至富州三百五十里

西至象州一百八十里

南至龔州一百四十里

北至蒙州一百六十里

貢賦

開元貢銀十兩

管縣二 武郎 平原

武郎縣

下郭下

與州同時置前臨駝禮江

唐嶺在縣西南四十里與平原縣分界

平原縣

下州八十里  
東北至

與州同時置前臨思洪江